



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-6846/18
Sarajevo, 25.10.2018. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 14. i 70. Zakona o javnim nabavkama („Službeni glasnik Bosne i Hercegovine”, broj 39/14) – u daljem tekstu: ZJN i preporuke Komisije za javne nabavke Ministarstva unutrašnjih poslova kantona Sarajevo za 2018. godinu, imenovane Rješenjem br 01/5-1-14-4-2073 od 12.03.2018. godine u postupku provođenja tenderske procedure za nabavku usluga izrade glavnog i izvedbenog projekta za dogradnju objekta IV PU Novi Grad Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda, ministar unutrašnjih poslova Kantona Sarajevo, **d o n o s i,**

O D L U K U

o izboru ponuđača za nabavku usluga izrade glavnog i izvedbenog projekta za dogradnju objekta IV PU Novi Grad Ministarstva unutrašnjih poslova Kantona Sarajevo

I

Na osnovu Obavještenja o nabavci broj 1364-7-2-42-3-33/18 od 12.10.2018. godine, proveden je postupak konkurentskog zahtjeva za dostavu ponuda za nabavku usluga izrade glavnog i izvedbenog projekta za dogradnju objekta IV PU Novi Grad Ministarstva unutrašnjih poslova Kantona Sarajevo.

Komisija je shodno Zakonu o javnim nabavkama, primjenjujući kriterij "najniža cijena", zapisnikom o pregledu i ocjeni ponuda dala preporuku da se donese Odluka o dodjeli ugovora ponuđaču JP za prostorno planiranje i uređenje grada d.o.o. Zenica sa ponudom u iznosu od 16.878,00 KM bez PDV-a.

II

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

III

Ova Odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka broj 01-14-4-6846/18 od 01.10.2018. godine, i obavještenja o nabavci 1364-7-2-42-3-33/18 od 12.10.2018. godine, proveden je postupak konkurentskog zahtjeva za dostavu ponuda za nabavku usluga izrade glavnog i izvedbenog projekta za dogradnju objekta IV PU Novi Grad Ministarstva unutrašnjih poslova Kantona Sarajevo.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Komisija je konstatovala da je na osnovu Obavještenja o nabavci broj 1364-7-2-42-3-33/18 od 12.10.2018. godine, proveden postupak konkurentskog zahtjeva za dostavu ponuda za nabavku usluga izrade glavnog i izvedbenog projekta za dogradnju objekta IV PU Novi Grad Ministarstva unutrašnjih poslova Kantona Sarajevo, te je javno otvaranje ponuda izvršeno dana 19.10.2018. godine u 15.00 sati, što je konstatovano zapisnikom sa otvaranja ponuda od 19.10.2018.godine.

Dostavljanje zapisnika sa otvaranja ponuda je izvršeno prema učesnicima postupka nabavke u zakonskom roku.

Na oglas o javnom nadmetanju, a prema Zapisniku sa otvaranja ponuda od 19.10.2018. godine, Komisija konstatuje da su ponudu dostavila tri ponuđača i to:

1. Institut za građevinarstvo IG Banja Luka, Kralja Petra I Karadorđevića 92-98, 78000 Banja Luka, čija je ponuda primljena 19.10.2018. godine u 09:11 sati;
2. ARS Studio d.o.o. Banja Luka, Jevrejska b.b., 78000 Banja Luka, čija je ponuda primljena 19.10.2018. godine u 11:25 sati;
3. JP za prostorno planiranje i uređenje grada d.o.o. Zenica, Mehmedalije Tarabara broj 15, 72000 Zenica, čija je ponuda primljena 19.10.2018. godine u 12:05 sati;

Rok za dostavu ponuda postavljen je za 19.10.2018. godine u 14.00 sati.

Nakon isteka roka za dostavu ponuda dostavljena je i ponuda kompanije Normal arhitektura d.o.o., Bjelave broj 10, 71000 Sarajevo, čija je ponuda primljena 19.10.2018. godine u 14:25 sati, te je ista sa zapisnikom o otvaranju ponuda vraćena ponuđaču neotvorena u skladu sa Zakonom o javnim nabavkama.

Nakon izvršenog otvaranja ponuda, Komisija je pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve Ugovornog organa u tenderskoj dokumentaciji, odnosno, vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima.

Ponude svih ponuđača su dostavljene u zapečaćenoj koverti, sadrže original i kopiju ponude, a obje verzije su uvezane i zapečaćene jemstvenikom.

Ponuda ponuđača Institut za građevinarstvo IG Banja Luka: Cijena ponude je 19.257,00 KM bez PDV-a. Obračunati PDV 3.273,69 KM i ukupna cijena za ugovor sa PDV-om 22.530,69 KM. Cijena je uredno upisana brojevima i slovima na obrascu za cijenu ponude.

Ponuda ponuđača ARS Studio d.o.o. Banja Luka: Cijena ponude je 25.400,00 KM bez PDV-a. Obračunati PDV 4.318,00 KM i ukupna cijena za ugovor sa PDV-om 29.718,00 KM. Cijena je upisana brojevima u iznosu od 25.400,00 KM bez PDV-a a slovima u tekstu dvadesethiljadačetristohiljada.

Ponuda ponuđača JP za prostorno planiranje i uređenje grada d.o.o. Zenica: Cijena ponude je 17.400,00 KM bez PDV-a. Uz ponudu je dat i popust od 3% te je cijena ponude sa uključenim popustom 16.878,00 KM bez PDV-a. Obračunati PDV 2.869,26 KM i ukupna cijena za ugovor sa



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



PDV-om 19.747,26 KM. Cijena je uredno upisana brojevima i slovima na obrascu za cijenu ponude.

Obzirom da ponude ponuđača Institut za građevinarstvo IG Banja Luka i ARS Studio d.o.o. Banja Luka nisu sačinjene u skladu sa kriterijima postavljenim u tenderskoj dokumentaciji, navedene ponude nisu bodovane.

Razlozi su:

1. Ponuđač Institut za građevinarstvo IG Banja Luka uz ponudu nije dostavio izjavu o podugovaranju predviđenu tačkom 12. tenderske dokumentacije.
2. Ponuđač ARS Studio d.o.o. Banja Luka u obrascu za cijenu ponude upisao je tekstualno cijenu koja glasi dvadesethiljadačetristohiljada. Dokaz o tehničkoj i profesionalnoj sposobnosti nije odgovarajući obzirom da je potvrda Addiko bank a.d. Banja Luka broj 04-3-15967/18 od 14.09.2018. godine u vrijednosti od 15.968,18 KM sa PDV-om, kada se preračuna u iznos bez PDV-a predstavlja manje od 50 % procijenjene vrijednosti nabavke za 2017. godinu a što je zahtjevano tenderskom dokumentacijom. Takođe, na potvrdi dostavljenoj od strane Addiko bank a.d. nije upisano da se ista odnosi na glavni račun ponuđača.

U vezi sa navedenim komisija je na sastanku održanom 25.10.2018. godine usaglasila stav i jednoglasno predlaže da se izvrši dodjela ugovora ponuđaču čija je ponuda najpovoljnija kako slijedi:

| | |
|--|------------------------|
| JP za prostorno planiranje i uređenje grada d.o.o. Zenica ponuda bez PDV-a | 16.878,00 KM bez PDV-a |
|--|------------------------|

Shodno utvrđenom činjeničnom stanju, **Komisija je jednoglasno dala preporuku** ministru Ministarstva unutrašnjih poslova Kantona Sarajevo da donese **Odluku o dodjeli Ugovora za ponuđača JP za prostorno planiranje i uređenje grada d.o.o. Zenica.**

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema Obavjesti, a u skladu sa članom 99. Zakona o javnim nabavkama.



DOSTAVITI:

1. Sekretaru MUP KS;
2. Uprava podrške;
3. Komisiji za nabavke;
- ④ Odjeljenje za odnose sa javnošću;
5. Ponuđačima x 3;
6. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

